

樂山縣志卷七

經制志

田賦

財賦之入有徵自土田者曰田賦詩曰徹田爲糧是也有徵自丁口者曰丁糧孟子力役之征是也二者爲國正供厥有恆軌外此關市則譏而已游惰之民罰夫布而已三代既遠古義寢失山林川澤動植之物不以爲貢一出於徵不納其品悉折以算其始徵其地之出其繼徵其市之入又或徵於其途網益加密然前清康熙有永不加賦之諭計乾隆六十年內蠲政共十三次至嘉慶七年亦稱川民急公好義犍榮威蠲免十分之四

樂山縣志

卷七 經制

一

樂峨洪夾蠲免十分之三邇後無聞清德之衰已兆於此近來徵斂迫如火煎有非忍形諸楮墨者茲將原有條糧及民國十九年清釐後各糧列表於後

原有條糧暨濫糧並實有糧數一覽表

條 糧 庫平一萬零六百三十六兩三錢三分二釐

濫糧免數

前清周令廷華請免濫絕糧一百四十二兩六錢一分二釐民國元年馬知事正乾請免濫絕糧四百六十九兩一錢三分六釐五毫

實有正糧

除濫糧免數實有庫平糧銀一萬零零二十四兩五錢八分三釐五毫以一六折合實徵銀一萬六千零三十九元三角三仙四星

水糧免征

副稅兩數 庫平銀八百零一兩二錢九分七釐五毛

應征副稅

庫平銀九千二百二十三兩二錢八分六釐每糧一兩應征銀七元七角三仙共應收銀七萬一千二百九十六元

征解

經費收數

本縣正副兩稅合計共收銀元八萬七千三百三十五元三角三仙四星以實收銀加一成核計共應收銀元八千七百三十三元五角三仙三星



正副稅  
解費

合計每年應徵銀元九萬六千零六十八元八角六  
仙七星

### 現清糧數

民國六年大水嘉樂懷蘇古市安谷凌雲被水冲去糧田甚多請免條糧確數若干原案損失無從查考近年迭據各鄉呈報水災冲去田土多處亦無人完納遂致征收條糧每年僅八千兩上下不能掃數民國二十年二月據各鄉表報現清獲副稅條糧共有八千三百二十兩零六錢七分五釐每兩征正副稅征解費銀一十一元二角共應收銀元九萬四千二百七十六元四角四仙四厘又清獲水糧四百零四兩九錢三分二釐查舊有水糧半已人亡產絕不能清出現報水糧多係傍河條糧偶有一二成好糧在內前從團總之請酌加未清到八畧糧額九十餘兩應在水糧內提為好糧實有水糧四百一十七兩六錢五分八釐每兩每年酌征正副稅征解費銀四元共應收銀元一千六百七十元零六角三仙二厘又清各鄉學校義渡慈善倉儲三費各種公糧共六十九兩二錢每兩每年照舊征正稅征解費銀元一元七角六仙共應收銀元一百一十一元七角九仙二厘

### 水糧副糧

共計每年應徵銀元九萬六千零六十八元八角六  
仙七星按副糧即應收正稅副稅徵解費三項民國

### 樂山縣志

卷七

經制

二

二十年議征每兩共完洋一十一元二角

公糧祇收正稅徵解費每兩完洋一元七角六仙

水糧因被水冲田地每兩完正稅徵解費洋四元

計開各鄉表報清糧確數一覽表

### 鄉別

清獲糧額

嘉樂鄉

副七八七〇九八  
公三五五九六

懷蘇鄉

副八一二六九三  
公二八四五

上符溪鄉

副六三九九〇三  
公二八四五

下符溪鄉

副六七八九〇五  
公八二六一

古市鄉

副六三三三三八  
公四一三五  
水公六〇七四九



上觀峨鄉

副四四一一七一  
水 九五九六六

下觀峨鄉

副三二一八五一  
水 九六九一

上映碧鄉

副一一九八五五  
水 二〇〇二一一

下映碧鄉

副二二三八九一  
水 二二一五一九

安谷鄉

副九三八〇六六  
公 四三八五  
水 八七一七六

凌雲鄉

副六〇一〇五八  
公 三七一三

雙合鄉

副一一二〇一〇一七

上平江鄉

副四八七六九八  
公 三五三八  
水 九五九六

下平江鄉

副四五四〇三一

以上糧額均係徵收局開列照錄

再表列各末位均以釐為單位

樂山縣志

卷七 經制

三

附記

民國二十年六月十九日洪水冲壞嘉懷古映安凌平七鄉  
田地約三分之一由農會幹事戴尹查勘攝影十四幅存籌

賑處經縣政府邵轉呈省府劃撥賑洋一千元命法團推舉

五人赴各鄉散給

錄此以俟日後川局平定時  
公懇乞免有糧無業之據云

增舊志田賦記

雍正五年以前卷失無考六年奉文清丈出報部新舊上中下田地一千九十四頃三十畝  
九分三釐八毫七絲三忽共徵丁條糧銀三千八百八十八兩一錢九分八釐七毫六絲  
乾隆年間陸續奉文清查至六十年徵輸止新舊報部上中下坡陡荒及學田地共二千八  
百五十頃五十九畝二分一釐五毫七絲三忽二微三塵七纖  
共徵丁條糧銀一萬零六百三十六兩三錢三分二釐九毫六絲五忽六微六塵四纖

嘉慶元年至十七年報部與乾隆時同十七年後卷失無攷



又計雍正乾隆嘉慶三朝承糧花戶如左

雍正朝一萬二千二百九十一戶丁一萬二千二百九十一  
乾隆朝三萬八百一十戶丁六萬九千一百二十一丁  
嘉慶朝三萬六千二百三十一戶丁九萬五千五百一十一

民國正副糧稅列左

民國十年份全年共收正稅條糧四百一十三  
兩六錢二分七釐每兩征銀一元七角六仙  
共徵副稅條糧五千六百八十九兩一錢七分四釐八毫每兩共徵銀十一元七角零三仙  
糧二分以上者有副稅

共計收正稅銀九千七百六十四元四角八仙  
正稅徵解費銀九百七十六元四角四仙九星

副稅銀四萬三千九百七十七元三角二仙二星  
副稅徵解費銀四千三百九十七元七角三仙三星

樂山等十二縣為地方附加過重呈請軍部批示錄後

民國二十三年六月川南樂山犍為榮縣威遠夾江仁壽井研內江眉山彭山丹稜青神等  
十二縣為地方附加過重民力難勝呈請二十一軍部旋奉批示呈悉查各縣地方財政如

樂山縣志

卷七 經制

四

團務教育建設以及司法行政之補助自治經費之支拂固無一非取給於隨糧附加純至  
輾轉遞增一年附加數倍正供遂為地方人民所詬病本部深知地方事業不能因噎以廢  
食惟當劃匪時期正供繁重對於附加一項曾於廿三年會計年度行將開始以前通令戊  
區各縣明示核減方針在案所有提示預算注意之點即(一)比較過去年度凡可撙節者  
務期盡量撙節(二)若遇萬不能剔減時亦只能保持廿二年度現有額數不許增加(三)  
收支力求適合收方須嚴隱匿短絀之禁支方應杜浮靡侵冒之嫌以此限制各該縣附加  
辦法或可稍使吾民藉事蘇息據稱川南各縣凋敝特甚且地方瘠苦不能與地廣糧輕之  
縣相提並論自屬實在情形仰候令飭各該縣縣長查核辦理可也此批

按此呈係由各縣組合以地方附加之多寡為列名之先後

樂山地方附加民廿二年度以前每糧一兩征洋四元四角

四仙廿三年度上季驟增附加至十三元之多茲經呈懇旋

奉二十一軍部核准批示其第二項若遇萬不能剔減時亦

只能保持二十二年度原有額數即四元四角四仙不許增加云云事

關田賦照錄備存



鹽稅

蜀故載樂山水引每張徵羨餘銀二兩一錢五分四釐陸引每張徵羨餘銀一錢七分一釐六毫蓋邑本南安舊壤今產鹽區五油華溪最盛其次河泃坎又次冠英場紅碧山觀榜場井之深淺不一淺者四五十丈或八九十丈深者一百二三十丈以及一百六七十丈辦本之多寡視深淺以為衡深者水多淺者水少深井二眼產鹽二三張淺井五六眼產鹽或數百觔不等白水鹹輕黑水鹹重大約滷水十觔得鹽十七八兩而富廠滷水十觔有得鹽四十三兩者且有滷水三觔而得鹽二十八兩者其水為最鹹則鹽崖之水也皆大墳包其昌井樂廠井水之鹹質固不及遠甚惟是邑境之內井距炭廠近者水淡距炭廠遠者水稍鹹天道地利隱有均等之意也

樂山縣志

卷七 經制

五

樂廠鹽業較之前日雖有發達氣象然全川鹽產均係鑿井取水

惟大甯鹽泉溢涌奉節掘潦熬煎乃非井水但產鹽不多

用炭煎鹽

川北雜用柴炭草

成本較重行銷於川省內地

尚能獲利民國初年有建議全國鹽法破岸行銷者

北京鹽政部一亦先有此議

稅之後任其所之裁撤往日商岸不復劃境分疆以為大公平允此論一倡耳食者從而附和蓋但觀表面似屬大同規制實則不識鹽業內情之論也此不但全國不可行即全川亦不可行何也以川鹽論共計產場二十有六樂犍之鹽煎以煤富廠之鹽煎以井火近年煤價昂甚而成本益增若混同行銷則富鹽賤而民爭



購樂鹽貴而民必棄天演自然淘汰樂榷之井竈必日以消滅而

井研簡陽蓬溪射洪之鹽更不能敵富廠也若以富鹽運銷宜昌

則又不敵海鹽也何也海鹽灘田曝曬灘田如農家之秧田成本甚輕鹽一斤

不及錢一文清末長蘆鹽一包五百七十餘觔需銀二錢八分銀每兩價一千四百五十文加國家稅地方稅及車船

運費每觔不及錢二十文故部議場徵破岸者為海鹽暢銷計不

欲川鹽入楚岸也川人慕其表面相與盲從富廠即主破岸故出有印刷品而貢井反抗之且謂

全國一致實民國人民之幸福噫深淵薄冰慎無墮墜可也湖北王督借運

蘆鹽行銷宜昌近閱川鹽紀要謂蘆鹽質劣不若川鹽質佳恐非真蘆鹽也若蘆鹽之真者顆粒乾燥無異川鹽實查富榮榷樂四廠製鹽

之成本此據民國八年稽核分所之調查表富榮巴鹽每包炭價三元火價二元八角榷

樂巴鹽每包炭價三元六角此可以知高下之等級也按民國元

樂山縣志 卷七 經制 六

年川省鹽局初定稅則富榮花巴鹽每觔制錢十七五文榷樂花巴鹽每觔

制錢十四二文此雖井火炭煎酌減三成仍不得均等之衡量故榷

樂竈商極端反抗及省會提議按前清票釐實征數核減二成又

由司局協商議會酌改始實行此樂廠炭煎之稅則宜較富榮減

少五成乃為利益均等也

邑中各地舊日鹽井鑿辦既成即有鹽課以輸正供州舊志老竈課銀六百八十五兩零

小井課銀五百八十兩○如農家納糧之例委紳攤收湊數完繳迄於行引乃有

釐稅府縣舊志云清嘉慶時樂廠陸引七百四十三張每張徵正

稅銀二錢七分二釐四毫徵羨餘銀一錢七分一釐六毫徵截角

銀四分八釐共徵陸引羨稅截銀三百六十五兩五錢五分六釐



此數歸商承納而商人往往狡展遷延迨咸豐中葉東南軍興川省亦被滇匪滋擾銷路阻滯岸引不行後雖肅清而引張囤積難於疏暢光緒初四川鹽法廢弛積引至一百一十餘萬張積欠羨截銀一百三十六萬餘兩四年總督丁文誠公建言宜行官運商銷法朝廷從其議由是設局瀘州以道員唐炯專督之乃於樂廠牛華溪健廠五通橋設官運局購鹽配引而河洹坎冠英場順河場太平寺等處零星各竈不能成張者乃設票釐局過稱納釐行銷歸於洪雅丹稜等縣其初釐定錢率巴四花三至光緒二十一年乃有海軍加釐之案甲午與倭接戰賠款甚巨部議加各省鹽釐由是樂廠每觔加四文二十五年又以國帑告匱外債日增部議請增

樂山縣志

卷七

經制

七

天下鹽釐又每觔加四文繼以稅入減少比較不及陸續增加至每觔四十文而民乃益困光緒末年鹽價低落每觔售錢十八文由是水淡之井需炭多者漸以停廢而筒落沙淤者無力淘辦益以消減則官運票釐兩俱疲滯交感困難急待變革實清代帝運就衰之時會也

川鹽於辛亥反正之年設鹽政部屬都督府於是取銷官運破除引岸改辦就場徵稅將舊有局所一併裁撤只於各場設權稅司專管經收鹽稅事宜以爲裁冗減費與民更始不料軍興道阻銷不及額乃於民國元年四月改爲鹽務局更定稅則設置各場權稅官署於富榮設總稽核官並於水陸要衝設批驗所以資查驗



由是川省鹽務始漸就緒民國三年三月中央簡任運使晏安瀾來川親往富榮犍樂各廠履勘情形始有四川鹽務邊計濟楚廠岸總分公司草章之發見其主張辦法以廠爲本以岸爲標以各廠之鹽定各廠之岸蓋取法官運而略爲變通於是有運鹽公司之設期以一年爲率開始試辦以觀稅入之豐歉乃各公司實力不充加以軍事紛擾萑苻遍地致不能如額運鹽短稅一百三十九萬餘元而北京財政部鹽務署乃有取銷公司之議其覆川紳元電云查川省井廠大小不等資本厚薄不齊不爲指定銷岸各安各業則大廠資力雄厚必將侵奪小廠銷場獨占營業之利此中利害關係部署亦所深知顧公司可以取銷而分廠分岸之辦

法不可驟廢各廠可由各散商自由運售而某岸向配某廠之鹽須仍舊由政府配定等語自係洞明川鹽之利弊亦川鹽永遠惟一之辦法也故犍廠行銷滇邊涪邊永邊納萬各計岸樂廠行銷府河南河雅河各計岸分道揚鑣配定近便之銷場然犍樂毗連因岸銷之疲暢不等又有齟齬

自運鹽公司取銷後但去其公司之名仍准以散商名義來廠購鹽行銷各岸於是自由販運而分廠分岸之辦法依然存在也司鹽政者以外岸既無認銷引額之專商不得不整理內地防私之法因仿富榮廠辦法設公倉十八大竈鹽入之配引行銷皆水運行府雅南河各引岸又仿長蘆辦法設公垣收聚散鹽河二坎牛



華溪冠英塲順河塲太平鎮各設一垣小竈鹽入之納釐取票皆陸運行銷洪丹峨邊寧屬各岸名票岸各有銷塲無所混亂

樂廠票鹽稅率每百觔原收稅一元八角引鹽每引一張收稅銀一百六十八元較舊志所載固增加數十倍方今鹽價騰貴開鑿井眼者漸以增多而銷岸亦暢良由清末價賤井竈減少過多故今日鑿辦填補產額益添然尙未恢復官運初年之產額也

前官運開辦之初樂廠稅額巴四花三收入甚豐以後加稅一次卽短收一次前清五次加稅愈加愈短固屬私漏甚多民國改良鹽法迭增兵警至於九營分駐各廠以爲查緝周密也而私漏乃愈甚者蓋兵警添設乃治標之策而非正本清源之政也何也以

樂山縣志

卷七 經制

九

票鹽論近日釐錢每觔至於一百零八文大凡負販營生之小民挾帶十觔出境可售錢五六百文而梟販卽以稅額賄通兵警大股運行兵警遇有此等私鹽方且爲之保護而指示去路故被其緝獲者往往一二十觔之小販耳查私者徇私緝私者接私如此而欲杜絕私梟豈可得哉蓋稅額加多而私漏亦多也民國初年鄧孝可辦理鹽政卽主張減輕稅則觀其辭職書比較稅入云查富榮兩廠自光緒五年始抽花三巴五是年共收釐錢合銀十一萬七千零三十六兩同年犍樂兩廠共收釐錢合銀五萬四千零五十一兩此當年四廠正釐實收之數目也二十一年第一次加釐每觔普加二文是年富榮收正釐錢合銀六萬八千九百六十



九兩零加釐收錢合銀萬三千四百五十六兩零合計共銀十一萬二千四百二十五兩零計短原收銀四千六百餘兩同年犍樂兩廠收正釐合銀三萬四千五百二十五兩零加釐合銀一萬六千六百一十兩零併計共銀五萬一千二百三十五兩零計短原收銀二千八百餘兩此上四廠初次加釐短收之實在數目也四廠如是他廠可知初次加釐如是迭次加釐可知迨至宣統元年疊加五次後富榮原收銀十一萬七千餘之正釐僅收銀三萬餘矣所加之名數計四分之三所收之實數亦正短四分之三民間痛受五次加釐食貴之實禍而前清徒得五次加釐厲民之惡名加釐者益乎減釐者益乎釐重者益乎釐輕者益乎主持財政者不可不深思也釐多則私販多價貴則民食減人情所向背徒法難強也是知非減稅莫由稅旺也卽今之暫行稅則每觔十文較前清減三分有二而孝可預算將來歲可得四百萬之收入誠知減者名而增者實也

今日鹽務辦法引商先納稅後運鹽票商先買鹽後納稅皆徵取於產鹽之場此卽就場徵稅法也竊以四川鹽法大綱場徵可也破岸不可也減稅可也均稅不可也破岸之害前已詳言之惟減稅以革除私漏鹽法之良莫良於此何也人民性質惟利是圖有利則趨之若鶩倘其無利必改轍而異趨也况不但無利且有害焉誰復曹曹然無所顧忌哉故減輕稅則使每擔鹽觔絕少贏餘



之利無以供兵警之慾壑則私販改易方針相率而爲善良亦所以厚民德矣倘非然者增多稅額徒有厚收之名且蒙苛虐之怨而精強力壯自食其力之良民立地化爲私販化爲鹽梟滋商奸壞民德及陷於罪又從而刑之罰之長國家者孰無天良何樂爲此故鹽務杜私之法莫如減稅也當日鄧孝可主持此法漸已利行無如地段分裂犍樂鹽至敘府勒令完稅行至重慶而巴商勒令賤售富榮鹽至瀘州阻運者數百餘載函電呼籲無人拯救此鹽務之大障礙也

### 茶稅

華陽國志南安出名茶舊志凌雲茶色似虎邱味逼武夷安穀鄉

樂山縣志

卷七 經制

十一

有茶山唐盧士瑁更名茗岡今此二地之茶靡有子遺矣蓋邑中茶樹聽其自然生植卽自由採擷不甚愛惜求其特別墾種加以人力護蓄壅料培植者未之有也故牛羊之放牧樵蘇之斲伐率以爲常安得不根株漸絕哉今邑境產茶之區惟觀峨映碧二鄉每歲產品輸運出境者大約數千觔蓋銅河兩岸山高土潤時多陰雨茶樹蔓生故太平鎮以上五渡溪以下各地場市逢穀雨清明以後卽茶葉出售之時過此以往則馬邊茶販運至銅街子福祿場而銷售焉

通考自熙豐來蜀茶官事權出諸司上其富亦甲天下蜀故明嘉靖十三年嘉定州黑水尾委官徵茶稅舊志茶引一千一百二十



張每張徵正課銀一錢二分五釐徵稅銀二錢二分徵羨餘銀九分八釐截角銀一錢二分共徵課稅羨截銀六百四十四兩一錢六分此前清之引額也今定為每票一張徵銀一元販茶之商由徵收局繳銀取票然後運茶出售歲收若干待查

礦稅 舊治稱坑冶

坑冶之徵由來久矣邑舊有銅山並金沙金粒俗稱豆通考漢元封

初鐵官居安南公孫述據蜀以鐵鑄錢元和志云嘉州開元貢麩

金宋史真宗崇寧間嘉定貢麩金咸平之初詔川陝諸州用鐵錢

嘉州置豐遠監開鑪冶鑄蜀故神宗時鐵錢數嘉州二萬五千貫

則境內必富鐵礦然未聞礦區所在也有之其犍為鐵山乎西晉宋齊梁諸

樂山縣志 卷七 經制 十二

冶官縣隋置治官唐宋置治官即在其地今峨眉龍池出鐵舊府志載樂山縣屬老洞溝銅廠一所乾隆

十年奉文開採故老相傳龍十萬開辦朝天馬銅廠致富修造鐵橋一座以通馬邊之路尚存歲無常額儘收儘解蜀故

老銅溝廠解課耗餘一百五十餘萬觔向設廠員專管月給費銀十六兩紙筆銀一兩六

錢乾隆五十五年以產銅無多奉文改委樂山縣就近兼管廠書

一名月給紙筆飯食銀一兩六錢由樂山縣書辦內每年撥換巡

役七名每名月給飯食銀一兩二錢由七縣巡役內每年撥換嚴

關委員一員月給費銀十二兩一年期滿詳請更換關書一名每

月紙筆飯食銀一兩六錢由樂山縣書辦內每年撥換巡役四名

每名月給飯食銀一兩二錢由七縣巡役內撥換總書一名月給

紙筆飯食銀一兩六錢蓋公家自為坑冶者也自此以後日漸消



滅今按境內金礦銅河沿岸皆產沙金古市鄉高河坎合山口均有之觀峨鄉葫蘆塲則產洞金色赤性軟但皆不多耳映碧鄉銅廠溝產銀礦青白色堅硬有光尙未開採紅岩匡產銅礦黃青色牙子石大小不一有光亦未開採白唐灣產鑛黃黃色牙子石形如炭清光緒初年開採三四年而閉新街子產鐵礦黑色炭形有光玉屏鐵廠開採之

雜課

本舊縣志

魚課銀七兩九錢四分八釐  
牙行當課銀九十五兩八錢

按民國以來開牙行悉無課矣

樂山縣志

卷七

經制

十三

權酷

蜀故宋熙寧初嘉州酒稅三務五萬貫以上今邑境內沙灣塲太平鎮羅漢塲皆有醋房煮酒因銅河兩岸歲產玉蜀黍俗稱包穀又名玉麥故多造酒之家今城區亦有醋房數家多由下河辦膏梁回烤者民國設有菸酒公賣局委員專辦而酒稅由紳商承包承繳事詳於菸酒公賣局項下

雜捐

舊志宋熙寧十年以前嘉州八務商稅歲額十萬貫以上同光以來名目不一近則防區自爲風氣隨意征取不可爲訓矣其百貨釐金今改名統捐局已列前篇



戶籍

周禮小司徒之職掌建邦之教法以稽國中及四郊都鄙之夫家九比之數以辨其貴賤老幼廢疾凡征役之施舍與其祭祀飲食喪紀之禁令昔人以此爲周公致太平之本孔子庶哉之歎負版之式誠重之矣有清一代丁隨地徵人盡免役簡稽戶籍必謹以嚴蓋邦本所在此爲兢兢歐美各國戶籍有定法管理有專吏其較爲詳也宜矣

舊志載嘉慶元年至十七年凡三萬六千二百卅一戶九萬五千五百一十一丁厥後生齒日繁茲據調查冊報戶口列左

城區戶八千三百四十五戶丁口三萬二千九百八十九

樂山縣志

卷七 經制

十四

嘉樂鄉戶五千一百九十二戶丁口二萬八千五百九十六  
懷蘇鄉戶五千二百九十二戶丁口二萬四千零八十三  
符溪鄉戶六千九百零二戶丁口二萬八千五百九十五  
古市鄉戶三千零八十六戶丁口一萬四千零八十五  
觀峨鄉戶五千零九十戶丁口二萬二千零六十八  
映碧鄉戶八千八百三十戶丁口二萬八千五百七十  
安谷鄉戶九千七百八十三戶丁口三萬三千七百八十五  
凌雲鄉戶七千七百三十八戶丁口三萬一千零七十一  
雙鶴鄉戶一萬一千一百八十戶丁口五萬零八十  
平江鄉戶一萬零七百九十五戶丁口七萬零九百六十七



物產

六府之治重於虞書百物之名正自黃帝蓋天不愛道地不愛寶必待人之識其名而後可以成其材別其類而致之用邑為沃壤生物孔多金木土穀毛羽鱗介下及昆蟲之屬靡不備具時其消息而樹植採取之養生之理足矣皆天之賜也民可不劬力以奉天乎史記傳貨殖漢書志食貨皆有前軌矣厚生利用其正德之本歟故類列之各工產附

穀之屬

**稻** 說文秼也韻會謂之有芒穀即南方所食之米水生而色白者其類別有二曰秼曰稈 **秼** 性不黏粳米所從出俗以 **稈** 性黏糯米所從出俗以為酒米

味甘宜釀及作糕餅之用穫常後於秼 **香穀** 秼類也形小而味香 **火穀** 秼之製成者其法以水泡之火煮稍熟則去水焙乾再晒以日以為飯可久煮亦有火炒者因

樂山縣志 卷七 經制 十五

久雨不晴不得已為之色味均劣矣 **黑糯** 稈之色黑者性溫補可入藥 **鴛鴦穀** 一粒半稈半糯 **稗** 苗似秼而實小有黃黑二色可作麪醬亦可釀酒味清苦

須和糯為之糯居十七稗居十之三

稻之種類州舊志云酒曰糯飯曰粘其最佳者糯則有百金蚤三百顆花殼紅殼豬脂虎皮粘則有毛香子百日蚤老鼠牙蓋草黃等名其黑泥黃泥等粘皆常品在在宜之

按邑中稻屬種類不一有雲南早下河早牛尾早鐵桿奴黑節早白毛氈兩筒穀諸名俗通謂之飯穀以製米謂之飯米諸穀形狀相差不遠牛尾早鐵桿奴粒較長雲南早下河早製米光潤黑節早白毛氈瘠土亦宜然米多碎粒宜製黃米兩筒穀最早熟俗呼八十早以插秧後八十日而穫也亦曰麻雀早



邑有火米其粒較大於常米而色稍黃陳師道山後叢談蜀稻先蒸而後炒謂之火米可以積久蒸用大木甑盛數石炒用石板爲釜凡數十石邑之火米不然也法以水泡之以火煮之熟則去水焙乾其溼氣俟水氣盡淨仍以日曬之若用火炒則邑境西偏收穫較遲秋陽熱力已減山高日少之地常有之矣

**梁粟** 有黃白青赤各種又名秫莖粗苗似茅不耐水粘者爲粟不粘者爲梁釀酒作飯俱可 **粟** 米有甲者有黃沙白沙等名黃者黑佳可以煮粥亦有酒粟其壳

**菽** 豆之總名 **黃豆** 嫩時曰青豆帶壳曰毛豆老則色黃有大小數種色綠尤大者曰綠藍豆黃豆作豉作醬生芽作菜磨汁作脯 **黑豆** 色黑有大小二種尤良名 **綠豆** 性涼解毒可作糕亦可生芽 **赤豆** 色紅有大小二種 **飯豆** 色白形似豬腰 **巴山豆** 形似紅豆稍細長 **蠶豆** 俗名胡豆霜降種清明熟有青白二種多食傷腎令人面黑

**豌豆** 俗作彎種同胡豆有綠麻白三種白者佳可作粉 **豇豆** 有紅白長短之別 **四季豆** 夏熟有赤色花色之別 **扁豆** 有赤白二種白者補脾 **刀豆** 一名挾劍豆形如皂莢長而扁惟作鹹菜之用 **狗爪豆** 野

形如狗爪 **自豇豆** 以下皆蔬屬非菽類也

**麥大麥** 一名春麥亦曰麩麥芒長穗短詩云 貽我來麩麩即此有青黃稞之分 **小麥** 即詩貽我來麩之來芒短穗長有紅花白無穗者俗稱光頭麥 **穰麥** 一名油麥苗莖綠縹甚美然芒多實少且過柔無力不可食農人種之割苗以飼牛 **雀麥** 一名燕麥亦小麥而弱實似穰麥而細爲燕雀所食故名 **蕎麥** 蕎亦作莨有冬春之分甜苦之別

**黍** 有黃白赤黑數種待署而生署後而成故名 **蜀黍** 春種秋收粒大如椒紅黑色稍可作玉可作酒白者亞於糯赤者最粘俱可作餚

**蜀黍** 俗名包穀又名玉麥有黃白赤三種有名馬牙子者顆粒大而心凹有五葉七葉之分五葉早熟七葉晚熟白者性粘粒小宜釀

**稷** 似雪子而大秋種夏熟備歷四時故爲五穀之長可作飯不粘其味淡苗如蘆葦實累累有硬壳俗名六穀米鄂筒酒釀以此

**瓜之屬**

**黃瓜** 有黃白二種夏初熟一名胡瓜北人避石勒諱易今名 **苦瓜** **癩瓜** 肉脆肥美 **笋瓜** 似笋白色 **絲瓜** **南瓜**

**冬瓜** **西瓜** **白瓜** **金瓜** 色赤作供品不可食 **越瓜** 又名稍瓜菜瓜色白長者至尺許一名羊角瓜不得與牛乳酪及鮮



同食李時珍云**香瓜**長數寸一名醬瓜可入醬**瓠子瓜**一名壺盧形長者可食腹大口小者作瓠用**王瓜**月令孟夏之月食之能暗人目八九月熟顆紅赤較括萋而小其根入藥為土瓜根

### 蔬之屬

**蕪菁**一名蔓菁一名諸葛菜相傳諸葛武侯兵駐此處種之才出甲可生啖葉舒可煮食隨人居以滋長冬有根亦可食方言云豐蕪蔓菁也陳楚謂之豐齊魯謂之蕪關西謂之蕪菁趙魏

謂之大芥詩采封注葑須也禮坊記注葑蔓菁也一物而兼數名或其種類繁多大約不外蘿蔔之類**青菜**葉有寬扁者有渾圓者有缺

羊角菜煮食**紅青菜**色赤其汁**白花菜**一名羊角菜亦青菜類**菘菜**俗名白菜葉厚作鹽菜均可**蓮花**大惟冬春有之

**白**亦菘類形員如球大者五六斤亦名**斬菜**俗作芹有青白二種白者味佳有生水澤者名水芹生平地者為旱芹沙灣產者佳**菠**

**菘**俗名菠菜根赤葉碧**蕪菜**東夷古倫國種以饗貯水盛之則生故又**蕪蓬**本草一名蕪菜俗名厚皮唐太宗時波羅國獻

菜又名**莧菜**有紅白二種**馬齒莧**一名五行菜一名九頭獅子草野生能解毒或即野莧**蕪菜**俗名油菜苔色有瓢兒菜**蕪菜**紅者赤如血**蕪菜**一名大巢菜本草云蕪菜今油苔菜又名元修菜東

繁子多**蕪菜**名鷄兒頭即**蕪菜**野豌豆一名大巢菜本草云蕪菜今油苔菜又名元修菜東可榨油**蕪菜**蠶窩草心**蕪菜**豆之不實者疑即今菜豌豆**蕪菜**今油苔菜又名元修菜東坡故人巢元修嗜之故名

## 樂山縣志 卷七 經制 十七

時珍本草名翹搖菜**灰藿**一作灰滌訛為灰條莖有紅紫線紋葉尖有刺**芸香菜**野生即**苦買菜**詩誰謂荼食後飲酒使人氣急

**豬油菜**似苦買菜而有缺**香菜**俗名老**同蒿**形氣同蓬**蕪蒿**葉似艾正月根芽生莖正白生食之肥美**齊頭**

**蒿**野**苣荬**俗名蒿笋剥皮而食白甚者較嫩隋得其種於古高國故名**落葵**一名落葵又名蕪脂菜子實取汁紅

一名蕪脂菜即**藿**豆葉即**芫荽菜**一名**大頭菜****皮藍****藍菜****雲南**灰藿之紅心者

**菜****普賢菜**出峨眉**韭**其莖以土壅黃者**葱**有大小二種其細者名香葱大**薤**根大者小如豌豆下氣利水**蒜**具五辛大者十一子名葫以來胡**芥**即苦菜子食**白芥菜****黃**其葉並胡豆炒食佳地名一子名獨蒜苔可食味最臭**芥**之使人墜淚

**花菜**即金花**苣荬頭**層層**原荬**即胡**隨坡**俗名豬鼻孔**薑**隨處有惟映碧**龍蕪菜**舊針花

未詳或即龍鬚菜俗名**豌豆****蘿蔔**一名萊菔生熟俱可食解毒有數種員者重五六斤秋冬熟細長者春熟名熟蘿蔔皮赤者名半頭紅四時俱有菜如

蔓菁或云即諸葛菜可菹可醬可醋可糖蔬中之最有**胡蘿蔔**來自胡地俗名紅蘿蔔體益者州志云邑南四里老江壩出產蘿蔔大可重數斤

心有粗細之別細者味尤佳昔歐**蕃薯**俗名紅苕又名馬鈴薯本草名甘藷**薯蕷**名山藥戰波困取其汁以熬糖味稍淡

赤味甘中心一條帶青色



莖有脚板牛尾之分牛尾長  
數尺重十餘斤入藥尤益人  
**芋頭** 名躑鴟子母均可食有紅白蓮花人頭等名  
**洋芋** 味淡分切為種最繁衍易生惟銅河出產甚多  
**蒟** 本草名土芋俗名磨芋大似南星磨汁灰煮成塊生食則戟喉麻手損真氣  
**茄子** 有紅白長員各種各地皆有  
**枸杞** 芽可食子入藥根名地骨皮  
**血**

**皮菜** 赤色俗呼高笋生水澤中根如白筍  
**椿芽** 椿樹之芽  
**雞縱** 菌之別名有名大脚蕈者三處生者曰三場菌  
**土菌** 名目種類甚繁

遇有毒者能傷人  
**筍** 亦作笋諸竹皆有二峨三峨產尤多春生者名陽雀笋秋生者名冷笋一名八月笋年產達數十萬斤餘各地不多有

**增濟南王培荀雪嶠聽雨樓隨筆一則**

蒟醬張騫至西南夷食之而美擅名蜀中久矣來川物色不得

問土人無知者家人買黑豆腐蓋村間所種俗名茱芋實蒟蒻

也形如芋而大可作腐色黑有別味未及豆腐之滑膩蒟蒻一

名鬼頭作腐時人多語則味澁或云多語則作之不成乃知蒟

醫卽俗日用茱芋生食之口麻也詩云遙攜饌口入蜀川蒟醬

樂山縣志 卷七 經制 十八

曾聞自漢年腐已難堪兼色黑虛名應共笑張騫

果之屬

**梅** **杏** **櫻桃** 一名毛桃 **李** 名類繁多 **花紅** 一名柰又名林檎或曰林檎似花紅而小色味亦遜 **萍果** 似花紅而大

**石榴** **銀杏** 俗名白果 **荔枝** 其肉厚核小者名肉荔枝味尤美一統志明時嘉州峨眉洪雅夾江犍為榮縣俱出荔枝今獨縣有之而產瀘江者又遜於府

江更有一種開並蒂花結並頭果一囊雙核名並頭歎乃川中絕品也亦云嘉產今亡之矣吳船錄郡多荔枝皆大木輪菌數圍以九頂寺殿前標核者為最老學菴筆記張文昌成都曲云錦江

近西煙水綠新雨山頭荔枝熟萬里橋邊多酒家遊人愛向誰家宿此未嘗至成都者也成都無山亦無荔枝黃門詩云蜀中荔枝出嘉州其餘眉山半有不蓋眉之彭山縣已無荔枝矣况成都

乎香祖筆記余昔過嘉州攷圖經明時止有會江門一株熟時專供蜀府他即無有獻賦亂蜀後並此一株亦不復存矣挹爽軒詩話蜀地暖能產荔枝陸放翁江濱廟池亭詩滿街丹荔不論錢

蓋成成都多荔枝也漁洋詩側生一樹會江門蓋嘉州多荔枝也今則惟荔枝灣二株與沫江壩四五株往見丁東井旁民家會姓一株初結果人爭諱之再年則伐之矣蓋有此樹官必令封之以

為上供有之者園籬雜沓反受其害想成都亦然亦合浦無珠之意 劍南集云凌雲山安樂園最盛輿地紀勝云吳中復為犍為令嘉州土產荔枝紅桑紫竹三者為民害公作三戒詩勒諸石

序曰嘉州詩三章憫嘉民也曰莫愛荔子紅歲作嘉州孽卽荔子詩  
**葡萄** 有尖員二種 **枇杷** **橄欖** 名諫果又名青果熟時亦青故名 **胡桃**







一寸上引橫枝亘二丈圍徑相緣連理蔭百尺號嘉樹蘇子由  
詩予雖生江陽未省到嘉樹即此今縣東北漢陽壩有連理者  
巖桑 烏通 臘脂

木徂徠集嘉郡樹自注  
胭脂木嘉州出今亡

### 竹之屬

苦竹 斑竹 水竹 黑竹 紫竹 金竹 冷竹疑即白夾 筍竹即刺竹一作茨

慈竹又名約絲竹尾長條細如釣絲 櫻竹頭似鳩形可作杖筭最佳 荆竹 龍竹根有高節實中宜杖 桃竹皮滑而黃可為枕簟

柗竹 鳳尾竹細而叢生 月月竹每月生筭 硬頭篁堅硬可刺船 對青竹苦竹類即金嵌玉也 人面

竹 觀音竹 龍孫竹 藍竹大於斑竹兩三倍而質厚

對青竹賦宋黃庭堅有序

余楚產也閱東南之竹多矣對青竹未之聞嘉州僧從之包封見貽藝之而成乃初識之惟範圍之內有知之物無窮無知之

樂山縣志 卷七 經制 二十

物亦無窮一耳一目不能遍覽也况六合之外者乎感而賦之美哉斯竹黃質黑章如出機杼織文可當解甲脫枯金碧其相歲寒在躬又免斲烹彼其文章之種性不可致詰刻心而求之不可得劓根而求之不可得匪人匪天有物有則惟其與蓬蒿共盡而無憾余亦不知白駒之過隙後山談叢嘉州舊產紫竹楠榴櫻木等仕於蜀者競採之以為器人甚苦之吳中復作嘉陽四詠詩以悼之

### 花之屬

海棠花木記凡花木名海棠者皆從海外來青蓮詩註海紅花名出新羅國是也廣輿記嘉州出者香西陽雜俎嘉州海棠色香並勝耕餘錄嘉州海棠有香獨異他處孫長民云海棠盛於

蜀二月花五月如胭脂點點開則漸成纈暈落則有若宿妝淡粉帶長寸許淡紫色萼或三或五成叢蕊如金粟中有紫鬚花落結子如梨名海紅蜀中惟嘉州有香而本大郡署數株花既佳子



尤可愛今已亡矣寰宇記石碑山上遍植海棠為郡守宴賞之地一名海棠花譜云海棠有色無香惟蜀之嘉州者有香

色無鐵脚海棠一名水梨子花單瓣水紅色最豔

紫薇二種近月季即月開粉團茉莉竹公溪最多蕙蘭賽蘭即魚子蘭又名珍珠

蘭樹珠蘭似珠蘭而木本珍珠蘭似魚子蘭而葉較大且尖舊志以賽蘭即魚子

簪滴滴金夜落金蓮有紅白二種子午蓮一名朝夕蓮黃白二種者佳向日蓮有紅

種西番蓮似蓮而小紅色觀音蓮蕉屬風車蓮以花似風車得名鐵線蓮木蓮花一名木芙蓉

早花六月菊秋菊大小紅白黃龍爪金錢等名稱繁多西番菊芙蓉絳桃碧

桃海桃桂丹黃白三種春桂似桂花色白香濃春日開玫瑰即十姊妹似月季花最香百日紅芸

葵金釵迎春送春歸送春報春珍珠花香似蘭狀元

紅美人蕉山茶紅白二種金鳳五色鵝毛玉鳳隴蜀餘聞嘉州出花如剪絨狀如茉莉大如碗香亦類之杜鵑

樂山縣志 卷七 經制 廿一

金盞棠棣石竹萱一名綠葱碎剪羅剪紅羅芍藥牡

丹木槿梔子即薝蔔鷄冠紅白大數種臙脂鳳仙即指甲花雙單紅藍白均有芭蕉

虞美人延景即長樂花山丹石蟬花芷蟬花形似之七里香黃羅

傘蛾兒花打藥映山紅夾竹桃葉似竹花似桃茶蘼俗名白刺花夜來香晚香

玉辛夷木筆繡球花即轉藍錦帶花一名鬚邊姣取絲花狀如石斛體質較肥色紅為磁業要品海

榴海李子素馨花松竹梅色紅一名金蝴蝶水仙燈盞花金

銀花木瓜花寒香梅玉蘭西湖柳五香梅洋藍

草蘭殼花皆洋來洋芍藥根似番薯本似老莧葉似野棉雙桃花

邑人謝世瑄水石間秋海棠早開七絕二首

獨寄靈根水石間淺紅低襯綠雲鬢秋心獨抱無涯思雲外看



雲山外山

風致翩翩太瘦生年來白髮最關情淡妝謝盡春時豔不向河陽道上行

宋陸游嘉陽無木樨偶得一枝戲作

久客紅塵不自憐眼明初見廣寒仙只饒籬菊同時出尙占江梅一著先重露溼香幽徑曉斜陽烘盡小窗妍何人更與蒸沈水金鳴華燈惱醉眠

明華亭顧祿木蓮花

東風吹雨入煙霞暫憩中峯大士家客路青穿松柏杪佛臺紅映木蓮花

樂山縣志

卷七 經制

廿二

清邑節婦王瓊月月花

嬌白嫣紅鬥艷妝也宜凝露也凌霜幾曾春色輸桃李別有秋心妬海棠好把金鈴終歲護笑他粉蝶四時忙落花應用還枝術駐得紅顏異衆芳

海棠花

借來香國一分陰感得東皇護惜心絲弱那堪風嫋嫋妝殘愁照水深深花因色豔香原少人爲春歸醉易沉睡起憑欄高燭外綠肥紅瘦更難禁

藥之屬

- 地黃
- 乾葛 亦作粉葛
- 梔子 亦可染黃
- 枸杞
- 地骨皮
- 天花粉
- 木瓜
- 瓜



蔓 土瓜根 車前子草 蒲公英一名地丁草 楮實子 茅根 使君子

木通 橘紅 竹瀝 牽牛 鬱金 茱萸 澤蘭 茯苓

峨朮天麥 桑寄生 威靈仙 旱蓮草 牛夕赤白二種 華薺

蒼耳 香附 石菖蒲 川芎 艾 苦楝子 萊菔子

山藥 荆芥 薄荷 茵陳 元參 苦參 沙參 四季參

土鱉子 急性子鳳仙花子 常山 兔絲子 骨碎補即破故紙 火麻仁

甘菊 槐角花子 木賊 千里光 川烏 草烏 何首烏

桑白皮 鼠粘子 南星 牛蒡子 半夏即麻芋子 益母草 五茄

皮 金櫻子 巴豆 嬰粟壳 三七一名見腫消不及廣產者 白芨 旋覆花

龍膽草 丁公藤 百合 苓根 紫蘇 黃精 夏枯草

樂山縣志 卷七 經制 廿三

金銀花 青箱子 木筆 五倍子 女貞子 羌活 當

歸 黃連 硃砂連生石隙 茜草可染 淫羊藿 覆盆子 預知子

良薑紅白 豆蔻 毛茛一名地胡椒 土茯苓 菖蒲 紫背浮萍 一指

箭 王不留行 蒼朮 通草 馬蹄香 佩蘭 石膏 紫

苑即馬蹄葉根 鶴蟲 筩絲草 桔梗 貝母 黃柏 野棉花 官

桂 柴胡 荷蓋 藕節 蓮子 厚朴 桃李杏仁 知母

苡仁 淡竹葉 密蒙花 人髮草 鬧陽花 鐵馬鞭五爪龍

血藤 翻蘭 柿蒂 水皂角 穀芽 麥芽 藿香 茴香

水蘿蔔 檳麻子 地蓮花 蘆根 兔芽眼科 鐵刷帚傷損

走馬胎 蛇尿跌打 香薷 銀針草 天丁皂角刺 伸筋草 燈心



竹膽 奶漿藤 獨脚蒿痔瘡糞後紅用 青蒿 紫竹根 五指甲 款

冬花 鼈甲 龜板 黃蠟 九香蟲 桑螵蛸 蛇蛻即空奪

蟬退 蟬花 竹蝗 蜂房 斑蝥 蝙蝠屎名夜明砂 鈎藤

排風籐

染之屬

藍靛 黃薑 黃藥味苦澁取其色易入 李子染黑紅花亦入藥 五倍子亦入藥 槐子亦入藥

水冬染黃亦可染紙 土紅 橡盃即青杠子壳可染黑

毛之屬

虎 豹 岩驢 岩兔 兔孕子食之缺唇 熊 鹿 麀後脚不彎 麀有山水二種肝治癆

爪辟 狐俗名毛狗肉治痔漏便紅養陰 野猪去濕 豪猪亦名刺猬通體皆刺 猿 狢子食銀杏有猫狢狗狢二種頗肥大狢亦作猱俗字也

樂山縣志 卷七 經制 廿四

當作爲从爪即此獸也郡名隄爲因 產此獸之故說文爲者母猴誤矣 狸俗名野猫 水牛 黃牛 馬 羊 犬

豕 黃鼠狼亦出鼯鼠喜食雞鴨肉溫有毒毛可作筆 猫 松狗名貂翎子尾長大色灰斑綠木食果 竹鼯大如兔灰黑色喜食竹根

齒磨水服治 竹籤哽喉 土撥鼠灰色前爪如人掌生頷下肉骨煎油擦癩癰效 水鼠色黑居溝洫食魚蝦 山羊如羊色黃肉溫補治吐血及跌打損傷糞

漏遠年 頑瘡 麂旨形如鼈味甘故名肉治五痔脚痺除濕氣皮製靴鞢 禮鼠食必棒雙 豺狗喙尖性毒 狗獾如犬色灰肉療小兒疳疾 九

節狸尾長花斑如數節 青刷似狸色不花而嘴長 螺螄猫似黃鼠狼 狗獾子

羽之屬

雞一種小而五爪者名金雞 鵝 鴨 雉俗名野雀一名五雀處檐瓦間又名麻雀 燕營巢避戍名玄鳥狐皮見燕則皮脫 鶯一名黃鸝色黃

有紋又名倉庚 鶻名喜雀又名乾雀俗名鴉雀性慈俗呼黃八郎 鶻孝頭黑腹白巢背太歲向太乙 子規一名杜鵑又名陽雀清明節至 鷓鴣俗名偷倉

善營巢 斑鳩拙於營巢雄呼晴雌呼雨 鶴似鶴而頂不丹長頸赤喙色灰白翅尾俱黑仰天鳴主雨 雁間有不成陣者俗呼天鵝 鳧俗名水鴨

年久疳瘡 鴛鴦匹鳥有文采獲其一則相呼 鷺色白如雪羣居水澤頂有長毛西人悅其毛今漸少矣 鷓鴣善捕魚 魚虎一名魚狗



大者名翠鳥食魚  
尾有翠可飾釵鈿  
**鷓鴣**一名懷南飛必南向鳴云鉤翰格  
**竹雞**一名泥滑滑一名雞  
頭體食白蟻辟壁蝨

**雞**  
**秧雞**背有斑白毛多居田澤  
夏至夜鳴秋後即止  
**鷓鴣**雄者足高雌者足卑  
善鬪夜羣飛晝伏草  
**嘔雞**似鳧而大肉肥  
美鳴聲甚拙

**鴿**名飛奴能傳信凡鳥皆雄乘雌此獨  
雌乘雄性最淫治乾血癆卵解毒  
**伏翼**即蝙蝠又名簷老鼠  
毛而羽屎名夜明砂  
**鴉**即布穀鳴聲  
如割麥插禾

即催鳥  
**鴉**亦名八哥  
又名寒號  
**百舌**又名反舌能效百鳥言  
行則頭俯夏至後無聲  
**啄木**喙銳有針穴木而居人以物  
塞之以喙畫地成符塞即出

小而純黑小嘴反哺曰燕鳥亦名孝鳥大喙腹白不反哺者曰鴉鳥似鴉而大  
白頸者曰燕鳥一曰白脰鳴則不祥小而嘴赤穴居者山鳥也一名鷓出西方  
**山鴉**有文彩  
如戴花

勝人故又  
名戴勝  
**畫眉**色黃目上長如畫善語能鬥一  
種稍大不鳴不鬥名土畫眉  
**拜天子**俗名點  
水鳥  
**鷹**鷲鳥善擊取  
物又名鷓鳩  
**鷓**似

稍小亦名隼  
云布穀所化  
**鵲**又名連點七宋何耕字道夫知嘉州普通山寺詩註云蜀人呼鵲為連  
點七有問青州禪師洪果者曰如何為連點七答曰屈指數不及地上無  
踪跡  
**水鴉**花毛似鴉而小  
好鬥亦名八哥  
**白雲雞**又名白翰雞似雉  
而大毛花白色  
**鷓**似鳧而小  
居水次  
**青莊**水居不動  
喜食魚

**鵲**名魚鴨似鴉而  
大好投水捕魚  
**黑鵲**似鳥而小  
紅嘴善鳴  
**鬧山鵲**似鴉而紅嘴長  
毛鳴聲甚鬧  
**山和尚**  
**水道**

**士**俗名水  
鴨兒  
**麻啄**形如鸛色斑  
喜居溝澮  
**呢嘸**喜田居能  
治呢逆症  
**風斗鵲**形如反舌  
喜水涯  
**桑鷓**疑即  
倉鷓

樂山縣志 卷七 經制 廿五

**鷓**水鷓  
**山鷓**喙尾俱赤身似  
鷓尾長可觀  
**蛇頸子**  
**岩鷹**頭似貓兩耳俗名鬼燈哥又名貓  
兒頭長食其母蓋即鷓鼻之類

**鷓**有毛角入城城空入室室空聞作  
笑聲當有人死蜀人呼為春哥兒  
**鶴比羊**似鶴而非  
喙長足赤  
**護花鳥**至春則鳴其音  
若云無偷花果  
**桐**

**花鳳**五色俱備桐花放即  
來花落不知所之  
**鬼車**名九頭鳥陰雨晦明之夕則飛鳴惡犬  
聲里人擊銅聲逐之云血滴於室不祥  
**白頭翁**似畫眉  
而小

**佛現鳥**

明楊慎佛現鳥

佛現佛現鳥語易隨人意變山川發晶瑩草木呈葱蒨坐使遊  
人心目亂佛現佛現

清邑女子謝崇安燕來巢  
調蝶戀花

燕子低飛芳草徑一碧陰陰軟襯苔痕潤露浥風翻香夢冷六

朝舊事銷金粉簾鈎漫捲斜欹枕綠怨紅愁花事當誰省一年



一度卻飛來營巢舞倦踟躕影

鱗之屬

黑頭魚

俗名墨魚產大佛沱春初出上止龍泓下止烏尤形若鯉長尺餘方產子時漁人以火照之輒止不去明袁子讓詩云何人解識終軍鼠此地猶傳翰墨魚味極肥美今四時

皆有但不及

魚鼻

嘉州出味極佳州舊志名鮑魚即此

江團

一名水底羊無鱗而肥美然易敗

客朗魚

似鱒魚肉嫩而美不易得

泉水魚

出沫水上至福祿場一帶河邊洞穴似墨魚而小口在領下重只數兩多脂膏春初出洞食石漿秋入洞則肥

臨江魚

武陽魚出臨江溪潔而美食品最珍郭義恭廣志云武陽魚大如針號一斤千頭

嘉魚

別名鮭魚出青衣水長身細鱗肉白如玉味不甚佳非丙穴之嘉魚也

鯉

無大小皆三十六鱗金甲者有十字文理故又名善飛越

鯖魚

有青有岩青頭有枕骨俗名青鱒頭銳腹大鱗粗味美於鯉

鯊溫魚

又名吹沙黃皮黑斑生溪澗中

長四五寸吹沙而游洒沙而食味佳

船汀魚

名渡父似吹沙而小體圓色黃黑有斑

鱒

似蛇無鱗有涎沫生泥窟中色青黃多斑點

鱖

亦名泥鰕色青首銳無斑

無厥名刺婆形扁腹闊色黑鱗魚巨口細鱗常啖小魚

鯪魚

白鯪形狹而扁狀如柳葉白潔羣游水面

墨線魚

似白鯪而腹大背青黑色以腰際有一條黑線得名

鮪魚白鱗赤尾又名麥初出銅鑼堰

白甲

頭豐唇厚鱗青色以臨江產者佳

土鳳

似鯪而大味則較劣

鯽

一名鮒喜偎泥多生田中

樂山縣志

卷七 經制

廿六

鮑又名水鼻子脊聳甲脆出水即斃腹多脂腸無糞滓細鱗肉白逢丙出穴

桃花魚

形小味美備五色三月水淺可得

鱧

頭扁口闊無鱗亦鮑名鱧性喜連行

俗名娃娃魚色黃黑四脚鳴如兒啼能緣木張口吸食

鰻鱧

一名蛇魚有青白二種長尺許善穿穴漁人忌之味極美補虛治傳尸癆

鱧魚

即銅魚俗名烏魚形長體

員首有七星夜朝北斗治濕

黃頰

頭員色黃似鱧而小

細鱗

鱗細色黑味美一名雅魚

魴魚

腹扁如刀味劣多刺

江魴

蘆花

魚 納中魚 疑即是 納甲

清巴縣龍為霖嘉州食墨魚感賦

嘉州有嘉魚鱗排點漆龍身燕尾長雙鬢并鐵直二月天氣

和春風鼓百蟄倔強立泥沙矯如樹黑幟市之羅縷贈芳鮮妙

無匹夙聞箋蟲魚墨瀆遺點滴吞之遂潛化如蝕神仙跡郭公

固多奇此語難窮極獨怪鎮江鱗跳網欺雪色千里走京華歲

供上方食斯物甯不貴何為賤棄擲悠悠世間人尙玄不如白



張瑞銅雅河魚詩話

乾隆辛巳嘉州水漲而濁滿河皆魚蓋銅雅二河所謂萬山堆裏雅河來非江水也杜工部江漲詩云江發蠻夷漲山添雨雪流大聲吹地轉高浪蹴天浮魚鼈為人得蛟龍不自謀輕帆好去便吾道付滄洲隔數百年如見此老詩只一真切故傳

介之屬

**龜** 外骨內肉首尾如蛇 治濕痺甲可熬膠 **鼈** 俗名團魚 又名神手 **螺** 圓者為螺性涼利小便治脫肛 **蚌** 長者為蚌產溪澗中 **蛤蜊** 圓者為蛤土產者形小而薄不堪入

藥 **蜆** 殼內光曜如初出日 能候風雨呼為扁螺 **蟹** 八足橫行八仙洞有白蟹井時出白蟹東坡書金蟹池三字於其上陸游詩江清猶有蟹堪持自註蜀中惟嘉有蟹 **蝦** 大者曰母蝦產溪田中小者不可食泌水院得勝門外光緒間出亮蝦如螢光

蟲之屬

樂山縣志

卷七 經制

廿七

**蛇** 種類甚多有菜花桑根青竹彪最毒者如鐵甲白花 **碎蛇** 形似蛙脚長體碎斷而能續跌打損傷用 **脚蛇** 名蛇毛圈土幅倒弔七寸子野鷄項烙鐵頭皆能斃人

小而有足蛇被 **蜈蚣** 足赤者毒輕 傷救之能使生 **蜈蚣** 綠者毒重 **蜥蜴** 一名壁虎即守宮性最淫精毒能化人骨 **蝎** 名主薄蟲八足長尾青色被毒用井泥敷之瓦溝下

泥亦 **蛭** 亦名蝴蝶 可 **蛭** 毛蟲所化 **蜜蛾** 大倍蝴蝶蜜 **天牛** 有大小青褐花各色桑柘害蟲也 **螳螂** 能捕蟬兩臂如虎 **蜻**

**蜒** 六足有黑黃白 **蚧** 性涼能藥 **螢** 能除穢亦能 **蜂** 有家蜂岩蜂之分 **土蜂** 俗稱牛 **四翼** 大小數種 **蚧** 土使肥泡 **蛭** 傳染微生物 **蜂** 俱能採花作蜜

角蜂黑色 **竹蜂** 於野竹上結窠腹中能螫人死 **竹蜂** 有蜜小兒扑殺取食 **蝌蚪** 俗名馬胡大頭細尾尾脫成蝦蟆治吐血 **土鯀** 一名地烏龜 **螻蛄**

**蛄** 一名土狗短翅四足喜就燈花穴土而居吸風食土 **蟬** 以翼鳴 又名 **地牯牛** 頭有兩角行則倒退 鐵刺肉搗敷甚效 **鼠婦** 名地蝨婆

脚治牙 **螞蟻** 名推屎扒色黑推糞 **蛙** 名蝦蟆一名田雞生 **蟾蜍** 俗名癩疙寶似蛙背隆起有珠點取其汁可入丹藥

**蜘蛛** 有結網不結網足有長短身有大小渾 **蟋蟀** 一名莎雞一名促織俗名 **螽斯** 蝗屬扁及草間水間壁上之別能吸諸蟲毒 **青蚨** 如蟬而長得子則母來得母則子來子生草間能秘精縮小便 **綠蜂** 全體皆綠

多 **絡緯** 絡緯娘俗 **蚱蜢** 草上蟲 **青蚨** 如蟬而長得子則母來得母則子來子生草間能秘精縮小便 **綠蜂** 全體皆綠名紡綫婆 **蚱蜢** 蝗類

**送貧蟲** 俗名 **負婦** 俗名 **夜飛蟬** 俗名金蟲有圓長二種婦女取飾釵珥杜甫每友朋底蟲 至引見妻子韋侍御見而退使其婦送夜飛蟬以助



妝飾 **蜉蝣** 身狹長有角生 **石鴟** 蟻身龜介深藏夜啼似鴟味美於雞 **九香蟲** 處河時石穴性溫壯陽治遺瀉秋間廣出 **茴香**

**蟲** 生茴香葉上色黃黑為末酒服治疝氣 **蒼耳蟲** 色白如棉生蒼耳草梗治疔毒惡瘡 **蠶** 名馬頭娘種分春夏作繭子有黃白土紅之別土紅尤佳 **石龍**

**子** **筍蟲** 竹蠹也老則化羽硬翅 **蠹魚** 一名衣魚又名白魚歧尾生衣中及書中三食神仙字則化 **蠟蟲** 小如蠟蟲出建昌初夏時桐葉包裹

掛蠟樹枝上吸樹液忌風雨至孟秋則白如棉摘而煮之成塊產約千萬斤 **偷油婆** **水馬** **叩頭蟲** **水端公**

水中旋轉 **蛾** 俗名羊 **草鞋蟲** **土螻蛄** **洋蟲** 一名九龍出外洋明末始入中國極蓄衍性畏

寒貯以竹筒飼以 **蠅虎** 似蜘蛛吐絲無網善捕蠅 **龍馬** 出龍間肥穀花壯陽入藥用 大能治疔

### 貨之屬

**鹽類** **鹽** 成餅者曰巴鹽成顆者曰魚子鹽散者曰散鹽雪白者曰白花 **鹹巴** 鹵汁煎成味淡而澁可點

豆腐名 **硝** 掘地霜煎成曰鹹巴 用途甚廣

### 清張瑞鹽井記

樂山縣志 卷七 經制 廿八

蘇子瞻云有宋慶歷皇祐以來蜀始創筒井用園刀鑿如碗大深者數十丈以巨竹去節牝牡相銜投井以隔橫入淡水則鹹泉自上又以竹之差小者入井中為筒無底而竅其上綴熟皮數寸提動之氣自呼吸而啟閉之一筒水致數斗鹽按家有鹽泉之井見蜀都賦以筒出水法始於此在犍曰大井在樂曰小井大之利十倍於小且出油井又倍於鹽所謂四望關五通廠也樂小井只兩處曰天皇山曰紅壁山而皆界犍大小雖殊其為以竹取水則同鹽之引亦有大有小大曰水引順流而行至巫山巴東乃止小曰陸引泝流而上至崇慶邛雅各州為止其小井之在山者無水可達人力通之則曰扁擔引所過關稅不



截角不弔驗官給票注其數私販伏其中陸商爲病凡引有外  
耗利在商而強暴之徒釀金私載斬關斷索夏漲漂忽因而爲  
利戈矛火器隱若敵國乘機鬪捷不名一狀水商更大病出井  
之山骨立不毛近水者息厚炭邇而運省也去水遠則架竹筒  
引水就燒或至十餘里所過之處皆係舖戶先爲酒食要之縱  
橫上下衆無所阻者朝夕巡視防有滲漏運脚費不可減爾戶  
有三日引曰井曰竈井戶鑿成出水佃之竈竈戶成鹽買之商  
食用貴則井戶病鹽減價則竈戶病口岸遲則引戶病例無廢  
課一井報口嘗爲數井以防之此枯則彼注其不能爲者往往  
破家井地湫隘輻湊之所煙煤至集初至不可耐飲食味與外

異衣多黑青煮鍋最厚重至五六百斤用久或毀仍還鑄人私  
禁甚嚴碎鐵棄地毫釐無敢拾者犯之或錐至死以車出筒初  
以馬運近日乃始用人梆爲之節其馬力取齊少有參差馬爲  
之病急徐舒奮一聽梆聲筒之末爲井竿上而出於房則筒注  
水出梆住而運卽止煮井而富者多楚粵人土人三五家均未  
能久環井而居者幾百萬戶井初起四望溪溝中已而溝外甚  
而及牛華溪謂之新井水不及舊井之鹹噫豁壑難盈地脉有  
限設新井再竭百萬食力之民嗷嗷無措可畏哉可慮哉

炭類

煤炭

銅河諸山均有一名烏金有油煤煙煤硫磺煤石煤之別油煤煙煤火力最優餘次之其各有雙層子獨層子刀子石老底挺岩毛炭鐵炭顆炭蠻炭等

石

灰

軫溪產用鵝卵石燒成色極白可耐久

白泥

出軫溪爲漿衣之用

石膏

現悅來場有廠

杠炭

橡木燒成所出無多



金類

洞金

出葫蘆壩赤色性柔軟光緒年採未見大利

麩金

即沙金銅江沿岸皆有所出無多或淘或停

銀礦

映碧銀廠溝如豆大青白色堅

硬有光

銅礦

出映碧紅巖

鐵礦

前漢地理志南安縣有鐵官兼色黃牙子形廠在映碧鄉白今新街子玉屏鐵廠開採

銀

唐灣光緒初年開採今停

### 南齊書銅山

南齊永明八年劉悛啟世祖曰南廣郡界蒙山下有城名蒙城可二頃地有燒鑪四所高一丈五尺從蒙城渡水南百許步平地掘土深二尺得銅又有古掘銅坑深二丈並居宅處猶存鄧通南安人漢文帝賜嚴道縣銅山鑄錢今蒙山近青衣水南青衣在側並是故秦之嚴道地青衣縣又改名漢嘉且蒙山去南安二百里案此必是通所鑄近喚蒙山撩出云甚可經略此議若立潤利無極並獻蒙山銅一片又銅石一片平州鐵刀一口

### 樂山縣志

卷七 經制

三十

上從之遣使入蜀鑄錢得千餘萬功費多乃止

論曰漢之嚴道縣與南安壤相接所謂銅山不必嚴道始有今縣西南百七十八里有山曰朝天馬遍山皆銅礦亦名銅山東北六七十里銅街故亦稱沫水曰銅河鄧通南安人文帝以嚴道銅山賜之則南安之銅山當亦在賜鑄之列今銅街尚有鄧通墓墓有碑明嘉靖時峨眉知縣重建想其時銅街屬峨眉故也計自嚴道至南安接嶺連岡蓋二三百里礦產之富不獨銅且多金鐵精地質者類能言之

蟲類

繭

近年更旺可百萬斤蠟歲產一百萬石上下

種詳

蜜分野蜜家蜜有味帶苦者

邑人劉秉鉞白蠟蟲



分封桐葉不曾慳百萬生靈命所關借得一枝棲最穩要流清

白在人間

植物類

茶

有紅春白春家茶之別紅白春葉大味甘家茶葉小味苦春分前後採者曰毛尖最香嫩清明採者味濃而價低更有野茶以刺梨山麻柳葉代之價最賤亦可食華陽國志南安武夷皆出名茶外紀凌雲初春所採不減江南舊志凌雲茶色似虎邱味逼武夷今亡矣

採不減江南舊志凌雲茶色似虎邱味逼武夷今亡矣

棉花

蜀無木棉僅草棉高三四尺開黃花結實如桃綻出類如白雪

紡之為線 麻

苧麻

犬麻

金剛藤

似瓜藤多刺販運作圈年約千餘担

花椒

海椒

土產無多有大

小尖長之別 藤椒

木本似花椒大味香取油能久貯

焯椒

名辣子根葉可食

藍靛

葉菸

明末獻賊亂蜀總兵侯良玉領永遵

兵協剿兵皆吸菸初異之蜀之有菸自此始

鉋菸

用他處菸鉋成絲條

菜子

可榨油

唐薛能留題

茶興復詩心一甌還一吟壓春甘蔗冷喧雨荔枝深驟去無遺恨幽棲已徧尋峨眉不可到高處望千岑

樂山縣志

卷七

經制

卅一

絲類

絲 黃白碧數色

生絲

綿綢

出蛾之繭煮熟抽絲所織成者

大綢

白岩壩織者為上懷古次之最佳者曰鄧陽綢近改良寬至二

尺餘 湖縐

城鄉所織 水波綾

烏頭綾

五色線氈

皆工廠所出

紗帕

按皇圖要覽黃帝元妃西陵氏始養蠶蜀故云古蠶叢氏青衣

教民蠶桑嘉定州治南有青衣神廟史記西陵之女為嫫祖生

二子玄囂居江水昌意居若水

即沫若水

常志周失紀綱蜀侯蠶叢

始稱王據是數說邑之蠶業肇始西陵至蠶叢而推廣之衣被

溥矣邑中養蠶三眠以前皆飼柘葉故絲質柔韌而耐久較川

北燥劣之品誠過之無不及也然邑商販絲簇橋屢遭負敗者

蓋由北產日增價廉而人爭購機織之家練熟用之則稍弱必

南絲價落始購以作緯故暗中之侵蠹不少此內地絲業之失



敗也至於運售出口則川北有滬莊而吾邑無之已難以占優勝矣近雖改良纜車箱裝合度但實業出產尙未發達以吾邑境之內氣候清嘉宜蠶土脈膏腴宜桑盍急起以求進步哉

布類 棉紗 布 賽洋布 外來紗織成或雜以土線間用手工機寬二尺餘 葛布 麻布 桌

布 花格布 洗面巾

紙類 綿紙 名勝志嘉定西尖山下皆紙房楮薄如蟬翼而堅質可久 粗竹紙

酒類 燒酒 一名火酒包穀膏梁俱可煮成 老酒 糯米釀味淡 黃酒 亦糯米釀參以藥料冬日方有 仿紹酒

亦糯米釀製法仿紹興故名

### 附工廠

### 華新絲廠

## 樂山縣志

卷七 經制

世二

在城區北關外演武街安置鍋爐機器專製出口細絲運至上海銷行外洋廠主陳宛溪三台縣人 另有傳 自民國三年來嘉創修絲廠 始名嘉祥 今計有鐵絲車三百六十部纜絲理緒及辦事人約千名左右每年可出絲五百担

### 新鳳翔絲廠

民國十六年開辦人劉元昉廠用鍋爐二部絲車二百部工人約五百人每年出絲二百餘担運銷歐美各國

### 平江鄉長記兩鍋廠

廠主毛龍銓開辦於宣統二年每年產鹽鍋約五百餘口其鍋名稱五種大鍋千觔加刀頂平馬鑼子銷場則在犍樂兩廠及仁壽



井研等地至民國八年增辦飯鍋一廠每年產鍋計二萬餘口名稱不一其運銷上及成都下至敘府旁及青眉各縣兩廠約計工人八十餘人

### 平江鄉榮記豐記兩絡絲廠

榮記始於前清光緒三十三年豐記增於民國四年兩廠主辦人則縣人徐榮豐也計兩廠工人共二百四十名左右每年製成出口熟貨約重四十萬兩運銷於英法緬甸瓦城一帶云

### 城區協義火柴廠

民國二年集資開辦製造火柴三年開廠名曰樂山協義火柴股份有限公司隨出虎牌商標貨品工作婦孺約千人及後各廠絡

## 樂山縣志

卷七 經制

世三

續成立近來作工僅三百人左右每年出貨千箱銷行樂峨洪夾眉彭丹青仁井等縣

### 濟川絲廠

民國九年開辦廠主萬國珍地在城區南團現計工人一百六七十人所製紡絲銷行緬甸等處

### 雲華磁廠

創自民國八年是年秋初由磁業技師張繼之到懷蘇鄉言蕭壩有磁坭山一座可造細磁當取坭由火爐試驗果如所言於是陳樹齋張國興集股開辦公推陳樹齋任廠長張國興任經理建房築窑購山置器燒窑數次均未成功民國八年另聘劉漢卿到廠



指揮雖成磁器未著大效至十年再由技師鄧煥然約同業鍾光耀鄧懷清到廠考查乃發明本地一種肉坭火度較低與較高磁坭配合經多次試驗始有今日之規模焉

### 嘉裕鹼廠

民國十年始建廠舍於嘉樂門外每年出產純鹼一萬六千桶爲造紙必需之原料行銷夾江峨眉洪雅諸縣近年兼辦電燈公司營業發達殊未可限量也

### 龍興鐵機廠

民國二十二年城區方響洞側創設電機綢廠廠名龍興係集股開辦有電機八台發動力一部扞經搖紆絡絲全用機械每年可

### 樂山縣志

卷七

經制

卅四

出貨二千餘疋銷行成嘉絨渝各地出品綢緞葛其原料概用川南廠絲也

### 嘉樂紙廠

嘉樂紙廠在徐家壩係集股開辦總經理爲商會會長施步階現在每日所出紙張除本城外并行銷省城各報館該廠現有駐省專司其事者

### 平民工讀社

民國廿三年春謝勗哉黃遠謨諸人假嘉樂門外護國寺地點開辦平民工讀社專收養貧苦子弟約七十餘人教以識字讀書午後兼習各項粗淺工藝以備日後自謀生活之基礎云



附記工產

老學菴筆記宋文安公集中有省油燈蓋詩今漢嘉有之蓋夾燈蓋也一端作小竅注清冷水於其中每夕一易之尋常燈爲火所灼故速乾此獨不然其省油幾半邵公濟牧漢嘉時數以遺中朝士大夫按文安亦嘗爲玉津令則漢嘉出此物幾三百年矣



兵備志 附團練巡警

邑之兵事略具於沿革紀事兵制則未之前聞自獠夷退伏禍患稍戢而邊疆蠢爾常為不靖者則茨竹坪老鴉溪等處也故五渡溪土城五里福祿場城門八洞民之自為高也江苞汎城壘礮台清代設外委一員長標一員兵十二名戍之以衛民也書缺有間謹敘所見志兵備

邑境自東晉後陷於獠南北朝鞭長莫及人民與獠雜處迄於後周始置平羌郡縣其時兵備無考

隋招慰生獠於榮樂城

古城鎮今鎮子場

置綏山縣

舊唐書

唐萬歲通天時置招討使

太平廣記

樂山縣志

卷七 經制

卅六

乾元元年置嘉州中都督

貞元元年韋臯尹劍南西川節度使

太和中李德裕置雄邊子弟

咸通中設定邊軍節度使

唐書南詔傳○通鑑咸通十一年廢定邊軍

宋置防禦使團練使

徽宗置指揮使

寧宗置嘉慶軍節度使

嘉定中置嘉定府邊二千以備蠻

宏簡錄

黃疇若知成都廉知嘉定邊備廢弛而平戎莊子弟可用

宋史

明初置大渡河守禦千戶所

明史



萬曆中制郡守備千總各一府志

額設民兵一百七十六名每名工食銀七兩二錢共銀一千二百六十七兩二錢有閏加銀一百零五兩六錢

額設機兵三十九名每名工食銀七兩二錢共銀二百八十兩零八錢有閏加銀二十三兩四錢

額設操兵一百八十名共工食銀一千八百兩有閏加銀一百五十兩

清嘉定汎左哨千總一員屬峨邊營歲支俸薪銀四十八兩養廉銀一百二十兩自備馬二匹每匹歲支草乾銀十兩零

額設嘉定汎兵二十八名內戰兵五名每名日支銀五分倉升

樂山縣志

卷七 經制

卅七

米各一升折銀一分守兵二十三名每名日支銀三分倉升米各一升折銀一分

同光間增駐防防軍一營至防夷經費已列三費局款內矣

光緒二十三年以地方匪風不靖於城內龍神祠設局以士紳任之招丁一百名名定武軍後以費絀解散其後流爲匪者亦居多數云

團練

唐末藩鎮跋扈朝廷於各道置團練使以分殺其權勢團練之名始見諸史宋世承平荆公乃定保甲法可知亂世則團練爲靖難之方平時則保甲爲弭盜之策勢使然也明代保長里甲



之制益稱詳備清代沿之爲保正團正民國初年省議會議定團練章程通行各縣自變爲防區制各縣名目又各不同卽省府規定章程旋又變更謂不適用故僅述其近時狀況焉  
自民國十四年後團款係按糧附加每兩三元至民國二十年照省府公布施政綱要辦法於團款內劃撥三千元以作學款其款由保衛團辦公處統收統支除養公安隊七十名外而各鄉團費每年支付八千九百餘元云

### 巡警

清光緒末年裁撤綠營制兵改練陸軍嘉定汎官兵始盡裁去而於城區開辦巡警於縣設巡警局以警務長一員主之爲縣

樂

山 縣 志

卷七 經制

卅八

之佐治員而受成於通省巡警道其警務長一職恆用巡警學堂畢業人員以充其任以下設巡官巡長等職分率警兵以司警衛民國十八年創興市政修馬路而以巡警歸之公安局二十年以巡丁過少不敷分布經地方政務會議僉謂公安局係地方款辦理其費當由財務局統收核實支付乃定巡丁爲七十名現在公安局又歸併團委會統轄於縣政府矣